



Long plei graon eksplenem mining blong:

- Ap mo daon
- Tol mo sot
- Insaed mo aotsaed
- Kwik mo slo
- Klosap mo long wei.

Klapem han folem ol namba we  
yu talemaot.



## IMPOTEN MESEJ

Taem pikinini blong yu i stap pleplei wetem  
ol samting olsem wota, sanbis, wud, mo  
plei-do oli stap lanem “mats”.

Taem oli stap pestem, katem, wivim, foldem  
mo bildim wetem ol difren samting oli stap  
lanem “matematiks” tu. Givim plante janis  
mo opotiuniti long pikinini blong pleplei  
wetem ol difren samting olsem blong  
helpem priperem olgeta.

**Blong kasem moa infomesen,  
kontaktem Eli Jaelhud seksen  
long Ministri blong Edukesen  
mo Trening long fon namba  
22309 o 33500**



# Yumi Kaont Tugeta

## Hao nao yu save helpem pikinini blong hem i save developem ol skil blong save matematiks o ol namba blong hem?

- Spendem taem wetem pikinini i no westem taem ya.
- Yu mas tekem taem mo interes long laning blong pikinini blong yu. Mekem i fan mo mekem pikinini i glad blong wantem lan.
- Sipos yu spendem smol taem everi dei wetem pikinini blong yu blong tokbaot ol namba bae yu save helpem hem bigwan blong save ol tingting blong “matematiks”.



## Bae mi mekem olsem wanem blong helpem pikinini blong mi blong save kaontem ol namba?

Letem pikinini blong mekem ol kaen aktiviti olsem:

- Kaontem ol samting tugeta taem we yu stap priperem kakae, yu stap wok long garen, wokbaot long rod, wokbaot long solwota/sanbis, yu go long stoa o yu kam bak long stoa, yu stap long maket o taem we yu stap long haos
- **Kaontem! Kaontem! Kaontem!** Kaontem ol fingga, kaontem ol tou, kaontem ol baten mo ol zipa, kaontem ol pin blong klos, kaontem ol spun mo plet we yu wasem, kaontem hamas ek blong faol, kaontem hamas lif i red hamas i grin! Kaontem namba plet blong trak, kaontem ol dei long kalenda.
- Singim ol singsing we oli gat ol namba.
- Pleplei ol gem we i gat ol namba – hop skotj, namba gem, snap, majem namba, domino mo ol gem olsem.
- Pleplei wetem daes. Pleplei stoa o maket.
- Traem ademap mo tekemaot olting olsem sus, hat, stoking, kreon, spun, kap, ol frut mo ol samting olsem.

## Matematiks i no kaonting nomo!

Matematiks i no minim yu kaontem ol samting nomo.

Yu save tijim matematiks long pikinini blong yu long eni ples.

- Long kijen enkarejem pikinini blong sotem ol spun, fok mo naef.
- Askem hem blong helpem yu setem tebol.
- Helpem yu mesarem kakae.

Olbaot long haos askem pikinini blong helpem yu:

- Sotem ol klos.
- Majem ol sus.
- Oganaesem ol nil mo skru long saes mo sep.
- Putum ol pleplei long grup.

Tokbaot ol famle. Hu i tol mo hu i sot.

Long stoa, komperem saes mo sep blong ol samting.

Poenemaot ol difren paten long ol lif, mo ol wiving long basket mo mat.

Helpem pikinini blong droem ol paten ya.

